

東里文集卷之十六

楊文貞公士奇著

墓表

彭士揚墓表

士揚諱詡彭氏其先見余所作其父墓志父原
復母劉氏士揚蚤孤劉賢教育之士揚亦自童
弗克卓立不肯在人後其父之同產兄橫侵寡
孤業而僕隸使士揚母子無可奈何乃走依外
氏夙夜刻苦自奮數年學日見端緒乃歸其從

大兄之夫蕭用道授以尚書經鄉人之欲成其子弟者爭延士揚爲塾師士揚事母孝事伯父母如父母而於伯父母之子盡友愛吉安郡學舉士揚訓導赴吏部送翰林考經義時胡文穆公爲學士曰吉學之師非深於經者不稱加嚴命題士揚熟於經傳而條析明暢翰林諸公皆稱歎其難能尚書蹇公覽其文喜曰今之教官能是者千百之十一時英國公奏求儒師

太宗皇帝命吏部擇行端而有文學者畀之遂

以士楊對從之英國好賢禮士得士揚甚喜朝
退之暇相與討論載籍辨析至理厚見禮遇從
英國赴交趾凡在軍中奏疏檄諭悉出其手皆
事理詳明文辭得體英國於事關切要者必與
定議而士大夫謫居交趾者賴其存濟甚多宣
德初英國言其賢於上遂授國子監典籍監
故有文籍板歲久缺壞狼藉士揚悉彙次而整
齊之見故元諸儒所輯解小學書闕逸三之一
慨然曰此朱子切切爲學者端本澄源而作何

可廢乎徧求善本出已資錄補刊完雖職不預
敦事而諸生執經請業者無虛日司成有大著
作必經士揚閱一時翰諸學士皆於士揚往
還有斯文之契士揚爲文理明辭達爲人篤於
義雅澹疏暢緩急可恃負直氣能輔人於道從
叔爲御史過家行有不當力諫之曰千尋之緇
絕於寸朽豈得不慎不聽卒坐是僨或以不直
加之客而不校余家於彭氏世姻士揚在兩京
與余尤厚於見愛也獨不以姑息余深德之一

日於吾家飲酒談笑懽甚就座得風疾明旦昇
歸治數月少瘥白其情於朝命致事還鄉踰

年卒京師士大夫聞計皆悼惜之英國爲位祭
之其卒以宣德五年九月某日春秋五十有六
配劉子二男二女於戲世之庸衆人其生無一
之可稱及歿往往得名公貴人爲之稱道誇譽
以垂縣遠蓋有子克致之也如士揚非世所謂
賢人君子歟苟其素相知而有公世道之心者
可使無聞於後哉故爲述平生大槩表諸墓道

使其家刻焉

沈學士墓表

嗚呼此吾友翰林學士沈公之墓沈世家松江
華亭大考諱德輝嘗爲郡史平反冤獄百數十
人鄉稱長者妣宋氏考諱易仕爲諮議叅軍無
幾棄官養親而授徒里中惇行倫誼集五倫詩
以教學者而甘貧樂義人號苦節先生妣顧氏
有善德二子長卽公諱度字民則次粲字民望
公天資溫雅敦實自幼嗜學博涉經史洪武中

郡邑交舉文學弗就坐累謫雲南跋涉萬里處
患難其中裕然時同謫者多名人率於公交達
官重帥爭欲迎致公館下 岷王具禮幣聘之
既至屢進直言居無幾辭去都督瞿能知賢下
士延於家塾爲弟子師旦暮躬請益焉其入京
師也以公偕行時

太宗皇帝初臨御命翰林舉賢才今禮部尚書
江陵楊公爲編修以公名上擢翰林典籍方時
制勅填委旣視草學士以下率分書之

上獨覽公書稱善一時翰林善書如解大紳之
真行草胡光大之行草滕用亨之篆八分王汝
玉梁用行之真楊文遇之行皆知名當世而胡
解及公之書獨爲

上所愛凡玉冊金簡用之宗廟朝廷藏秘府

施四裔刻之貞石傳於後世一切大制作必命
公書公之書婉麗飄逸雍容矩度兼篆八分八
分尤高古渾然漢意而日侍清密無間嘗賜二
品金織衣新製象笏鏤公氏名塗金以賜以其

弟與子皆善書皆官之近侍父子兄弟並榮於朝古今以書遭承寵遇莫或加公書蓋公一藝耳爲文章尚興致平澹雅則不爲浮靡事

上必盡誠被顧問必以正對由典籍陞檢討復陞修撰遂陞侍講學士奉直大夫

仁宗皇帝賜誥命進協正庶尹贈其考奉直大夫協正庶尹翰林侍講學士其妣宜人預告歸焚黃賜鈔給驛傳

宣宗皇帝臨御進翰林學士奉政大夫年踰七

十再上章乞致仕歸不聽公事親孝與弟粲友
愛相篤終身與人交久益敬爲人貞靜不苟附
初入翰林鄉人有爲大宗伯者得君有氣勢赫
赫朝士希進者日奔走其門公以故舊獨自守
未嘗輕造間或邀公輒以禮辭士論高之閒暇
閉戶焚香鳴琴賦詩以自樂人號自樂先生襟
宇澄澹風韻蕭散所好惟載籍法書名畫古器
自題其齋居曰樂琴書處襍列花卉奇石高人
韻士至必具觴酌或吟或奕意度翛然所作詩

文有滇南豪隨筆錄西清餘暇自樂稿藏於家
年七十有八一日微疾猶作和王行儉詹事小
洞天詞明日捐館宣德甲寅十月廿二日也計
聞

上遣禮部郎中陳謨賜祭給驛舟歸喪命有司
營葬元配顧贈宜人繼陳子二芹先十五年卒
藻中書舍人陞大理右寺副孫男二潮秀敏好
學先十年卒次源女三長歸俞珙餘在室曾孫
男一士奇與公同入翰林相交三十有三年最

東里文集 卷之十一
相得其沒也蓋哭之慟於是粲及藻求余表墓
余忍以衰朽而忘情老友哉敬爲之表

劉仲良墓表

嗚呼習俗之下爲士不能以義自重以得於內
自適如其身或子霑一命在當路率憑藉聲勢
較輒鄉間挾制郡邑惟所欲是恣若後來或事
敗勢失爲世僂咲蓋不暇慮雖有敗者相繼踵
在目前亦不少自歛戢若此比比也觀於今吾
邑之士有子在當路而躬布衣居鄉能以義自

重以得於內自適者有劉仲良焉仲良之子咸
佐憲外藩十六七年任重祿厚郡縣吏日趨走
庭下然屢迎仲良就養皆不赴仲良所居故在
泰和邑市中乃之邑南澄江之陰十數里買田
築室率少子往就耕所耕足歲計外有餘間釀
酒獨酌賦詩爲樂泊然無他營或時與田夫野
老分席相嬉娛蓋鄉之人如不知其家有仕宦
也此豈流俗人所可同日語哉劉之先五代時
柳州判官曰况茗始家泰和其後至瑩中生慶

源慶源生存善存苦娶羅生三男子仲良其仲也諱彝自童丱已雋爽穎敏書一過目能記誦時從海桑先生學初習爲詩已藻思溢發同輩皆不及爲先生所重然不自矜衒雖父兄不深知之仲良有才具旣壯未試詿誤謫戍遼東成長之賢者以奇士禮之有所疑就質焉仲良處患難十餘年不改其度如一日及老代歸則昔之朋儕物故且盡獨處自怡所居有小樓名醉吟坐其中書冊恒不釋手仲良平居孝友自作

先祠率弟姪置祀田歲時奉祖禰遼東歸其故
田廬什器爲宗人奄有者悉不問處物能恕咸
在官數寓書或詩飭勵之縉紳大夫覽之咸見
獎歎亦有和其詩者其平生故人在要路者未
嘗一通書問而聞其所爲善事輒喜津津見眉
宇如已出非幽貞樂善者歟仲良詩晚益蒼然
有壯遊集醉吟彙及所著劉氏譜藏於家仲良
卒於宣德四年四月十四日享年六十有八葬
以卒之歲某月日配廖氏子男九長震次坤次